

晚朝行道之所自然生金液丹碧芝英百靈
衆真交會在此香火爐前令巨學道得道求
仙得仙齊主受福幽顯沾恩十方仙童玉女
侍衛香煙傳臣向來所啓之誠速達徑御
太上无極大道至真玉皇上帝御前

出堂頌
回靜默堂

靈寶領教濟度金書卷之一百二十

靈寶領教濟度金書卷之一百二十一

洞微高士開光教苦真人案金具授

靈寶進玄教水南先生林靈真編

科儀立成品五練生尸齊用

謝恩醮儀

衆官序立

陞壇如式

燒香頌

各禮師存念如法

衛靈咒

五靈列位 煥鎮五方 始皇護魂 丹老衛形

皓靈侍魄 黑帝攝生 中央黃帝 統御萬真

元皇結下 幽夜開光 罪消北府 名列南昌

金錄定籍 玉宇除殃 朱陵鍊質 飛神太蒼

三官九府 无極神鄉 吾受開度 上生天堂

和與道合具

鳴法鼓二十四通

无上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝關啓玄壇天帝神君當召此間
土地里域真官正神急上關啓臣今奉爲入
齋意以今設醮謝恩願得玉清道炁靈寶妙
光下降流入臣等身中令巨所啓之誠速達
徑御

太上无極大道至真玉皇上帝御前

請稱法位

具位臣某與臨壇官衆等謹同誠上啓

聖位 臣聞三洞流光扇仁風於六合九清

演化流慧日於八圓運天地而膏澤群靈幹

陰陽而扶持庶品上無復祖炁道炁於鬱羅

中有度人耀靈光於澤臺數雨露無私之惠

成日月有造之恩今古攸遵幽明共賴今齋

主某伏念亡故某命奄重泉神歸積夜生無

善續學道未契於良機死有惡緣貽責恐招

於深考遂按生尸之典庸修度命之齋期脫

冥曹復還治職幸拜提攜之造釐事慶成曲

垂衣被之恩沉魂飛度輒奉嚴於禱祀庸祗

降於懸存伏望湛露清靈風扇露丹與綠

鞏翻翻齊下於玄虛羽蓋瓊輪絡繹並難於

碧落月駟擁山林之駕雲龍彭洞府之轅保
會道場不遺德悃且無任激切望恩之至謹
稽首再拜奉請

請聖

三岸眾真醮筵列聖適伸拜請諒沐光臨請
各整於仙班共祇迎於帝馭

降九位

鸞駕與至止鶴駕臨軒與醮眾具如儀朝禮朝
禮既周請陞醮席齋主上香設拜初進酒

初獻

具位 謹重誠上啓

三清上聖十極高真玄穹之帝座師尊洞府
之仙真主宰醮筵內外一切真靈巨聞大道
希夷歟洪鈞而騰汗漫至真微妙立釐極以
報鴻濛二儀分經緯之精四象結陰陽之運
上羅仙聖周霄漢以生成中列真靈傳寰瀛
而化育故垂玄教曲軫蒼生幽明總被於卿
雲今古均沾於法雨無文不立有威斯通今
齋主某伏為亡故某哀慕情深薦修志切慮
修真學道未探曠於瓊網而律已希仙莫均

深於瑤笈修論鬼域邊殞神鄉既長本以離
真乃殞生而謝世音容既遠歲月如馳孰明
陟降之殊途誰識升沉之異路恩依帝力庶
慰民情爰竭潔於蓬衡庸款延於芝御三時
行道愆隨儀以冰清一日起朝福因齋而雲
委果沐返生之惠曲超起死之恩為錄善功
俾消惡考神識既超於北鬱形現直上於南
陵仰荷陶鎔若為報稱列殞擊而事帝少效
珠環聲葑葑以答天敬依瑤玖謄詞青靈寓
悃丹毫爰有青詞謹當宣奏

宣詞

按如詞言備陳衷素茅茨不剪借陳綿蕙之
儀黍稷非馨庸寓絲毫之敬伏願鸞輿日監
龍馭時歆察其報對之忱錫以流恩之惠珠
尋縷玉伶華鳴空洞之音翠掌流金符寶擁
飛玄之仗月磬琳瑯之韻合雲鏞搖曳以聲
揚瓊彩流明琅輝朗耀三辰在上施濟下之
玄釐六甲旁臨鑒由中之素禱一忱請命九
拜陳情日下情無任虔禱之至

亞獻

目某謹重誠上啓

聖位 臣聞天聽難謬既由聆於黃混民情
可見宜直露於清虛幸鳴朝俯降於瑤輝而
幾復仰朝於玉陛大鈞坎北能回九死之淒
涼小物怡愉當暢千生之快樂先願亡故某
福編容與罪籍清夷錄生前學道之功開死
後登真之徑移名青簡騰步武於芝班列宇
丹圖振精神於楓苑受書朱火發榮青華具
秩高躋任仙僚於洞府玄品峻陟充靈職於
雲霄贊化育而洞輔開宣仗生成而天人加
賴神遊眇奔形隱沈寥天府龍神密為榮衛
地司偉屬潛與周旋反掌間歷數百春指顧
頃猶一二日五體重榮而再合萬神復集以
更生煙霞褰衣山林振袂飛步碧虛之上遊
行玄極之中永為種民常居道境共鑒百千
之悃實符萬一之忱次願巨等三師四友五
族六親福履長春德容照夜玄關御景虎龍
飛離坎之精丹谷凝華鳥兔育乾坤之粹既
往者千載佐英猷於天上見在者百年享榮
樂於人間次願巨領教無魔學具有驗七部

暢天寶靈寶神寶之道嘯咏金科三乘昭玉
 清上清太清之文恢弘玉律絕陰陽之二冠
 削隱顯之千愆立玄功而壽等靈椿書丹續
 而慶延仙桂功成名遂家緒綿綿行滿勛圓
 派宗家疏英氣於高厚播道譽於邇遐天
 必從之臣所欲也上願風雲載靜日月輝登
 川嶽晏安山林清謐天無氛穢景星昭晰以
 開祥地絕秋塵甘露零灑而薦瑞犬無夜吠
 鳳有朝鳴榆關絕飲馬之聲麥隴息遺蝗之
 影詩書自樂家給人足以無憂弦誦相歡國
 泰民安而有喜沈苦聲於地獄享大福於天
 堂臣下情不勝虔禱之至

終獻

臣某謹重誠上啓

聖位 臣聞聽聰無遺昭至敬無文之寶鑒
 觀有造明大禮必簡之儀幸闈闈事之真忱
 式遂傾光之厚德返生可卜起死堪明仰依
 赫赫之恩嘉拜灑灑之惠香殘寶篆燈散金
 缸雲笈收縹緲之音月籟散舒徐之韻諸天
 復位萬聖戒途飛雲丹霄回旋空際綠輿羽

蓋還返仙都臣等徒企靈光莫陪法從運元
 會道百神混合於泥丸入妙識真萬悉齊仙
 於玄礼臣下情不勝虔禱之至謹稽首再拜
 奉送

存神復爐

迴軒頌

送聖

化財

靈寶領教濟度金書卷之一百二十一

正一天師清微弟子百堅製作 道教學術 訊網站

靈寶領教濟度金書卷之一百二十二

洞微高士開光教苦具人竊全具授

靈寶通玄教水南先生林靈真編

科儀立成品

陰宅土神醮儀

洒淨

衛靈咒

五星列照煥明五方 水星卻災 木德致昌
 榮感消禍 太白辟兵 鎮星四據 家國利亨
 名列玉簡 字錄帝房 乘廳散景 飛騰太空
 出入冥无 遊宴十方 五雲浮蓋 招神攝風
 役使萬靈 上衛仙翁 和與道合真

請稱法位

具位臣某謹焚香上啓

土府太皇上帝五方土府大帝太歲尊神太
 陰神后夫人九宮飛遁九星君土中公卿丞
 相大夫二千石令長功曹主簿神君土中土
 公土母神君土中八卦十干十二支山家禁
 忌神君白虎朱雀玄武騰蛇神君山家三十
 六將神君今年今月飛遊釣替二十四山吉